



Javno preduzeće  
**ELEKTROPRIVREDA BOSNE I HERCEGOVINE**  
d.d. - Sarajevo



**JP "Komunalno Brčko" d.o.o.**  
**Brčko distrikt BiH**  
ЈП "Комунално Брчко" д.о.о.  
Брчко дистрикт БиХ

## U G O V O R

### O PRODAJI I KUPOVINI, ISPORUCI I PRIJEMU ELEKTRIČNE ENERGIJE ZA 2026. GODINU

zaključen između:

**Javnog preduzeća Elektroprivreda Bosne i Hercegovine d.d. – Sarajevo**

Vilsonovo šetalište 15, 71000 Sarajevo, Bosna i Hercegovina

kojeg zastupa **dr. sc. Sanel Buljubašić**, Generalni direktor i **dr. sc. Nevad Ikanović**, Izvršni direktor za snabdijevanje i trgovinu

u daljem tekstu "**JP Elektroprivreda BiH**" ili "**Prodavac**"

i

**Javnog preduzeća "Komunalno Brčko" d.o.o. Brčko distrikt BiH**

Tina Ujevića 66, 76100 Brčko, Bosna i Hercegovina

kojeg zastupa **Armin Drapić**, Direktor

u daljem tekstu "**JP Komunalno Brčko**" ili "**Kupac**"

Prodavac i Kupac se nazivaju zajednički kao "**Strane**" i pojedinačno kao "**Strana**".

**Član 1.**  
**Predmet Ugovora**

- 1) Predmet ovog Ugovora je prodaja i kupovina, isporuka i prijem električne energije.
- 2) Prodavac će isporučiti Kupcu, a Kupac će primiti Ugovorne količine električne energije na Mjestu isporuke.

**Član 2.**  
**Isporuka i količine**

- 1) Prodavac će isporučiti električnu energiju u skladu sa standardima Nezavisnog operatora sistema u Bosni i Hercegovini (NOS BiH).
- 2) Električna energija biće isporučena prema sljedećoj dinamici:

mjesec	Minimalna snaga (kW)	Maksimalna snaga (kW)	Energija (viša tarifa) (MWh)	Energija (niža tarifa) (MWh)	Ukupna energija (MWh)
Januar	30.900	58.000	18.975	15.525	34.500
Februar	26.700	51.000	15.950	13.050	29.000
Mart	25.200	48.000	15.675	12.825	28.500
April	22.300	42.500	11.385	9.315	20.700
Maj	20.700	39.200	10.120	8.280	18.400
Juni	19.800	37.500	10.450	8.550	19.000
Juli	19.500	44.000	11.825	9.675	21.500
August	19.900	44.700	11.825	9.675	21.500
Septembar	19.800	37.500	10.945	8.955	19.900
Oktobar	22.800	43.500	12.375	10.125	22.500
Novembar	27.300	52.000	16.225	13.275	29.500
Decembar	30.200	56.000	19.250	15.750	35.000
<b>ukupno:</b>	<b>285.100</b>	<b>553.900</b>	<b>165.000</b>	<b>135.000</b>	<b>300.000</b>

- 3) Isporuka električne energije će početi dana 01.01.2026. godine u 00:00 sati, a završiti dana 31.12.2026. godine u 24:00 sati.
- 4) Ukupna Ugovorna količina električne energije je 300.000.000 kWh.
- 5) Kupac će Prodavcu najkasnije do 08:30 sati tekućeg radnog dana za naredni dan, dane vikenda, ili dane praznika, dostavljati srednje-satna preuzimanja električne energije konzuma JP „Komunalno Brčko“ d.o.o. Brčko distrikt BiH kako bi se mogli praviti dnevni rasporedi (dnevni vozni redovi) Prodavca i kako bi se mogla pratiti satna odstupanja od definisanog dijagrama opterećenja konzuma Kupca.
- 6) Isporuka električne energije biće izvršena stavljanjem na raspolaganje Ugovorne količine na Mjestu isporuke sa dinamikom prema tački 2) ovog Člana. Isporuka i prijem Ugovorne količine i prijenos sa Prodavca na Kupca svih prava vlasništva, slobodnog od bilo kakvih tereta, obaviti će se na Mjestu isporuke.
- 7) Mjesto isporuke biće unutar elektroenergetskog sistema Bosne i Hercegovine, odnosno na srednjenaponskim odvodima u transformatorskim stanicama TS 110/35/10 kV Brčko 1 i TS 110/35/10 kV Brčko 2.
- 8) Svaka Strana je odgovorna da osigura da se isporuka i prijem električne energije mjere ili verificiraju na način koji se može evidentirati u skladu sa procedurama NOS BiH i Elektroprijenos BiH. Mjesto (mjest) mjerenja električne energije i snage su TS 110/35/10 kV Brčko 1 i TS 110/35/10 kV Brčko 2, na srednjenaponskim odvodima.

- 9) Prodavac će snositi sve rizike povezane sa i biće odgovoran za svaki trošak ili naknade uzrokovane, ili povezane sa prijenosom i isporukom Ugovorne količine do Mjesta isporuke. Kupac će snositi sve rizike povezane sa i biće odgovoran za svaki trošak ili naknade uzrokovane, ili povezane sa prijemom i prijenosom Ugovorne količine na i od Mjesta isporuke.
- 10) Promjena Ugovorne količine, ili dinamike isporuke i prijema, ili prekida isporuke, ili prekida prijema električne energije, mogu nastati samo na osnovu sporazuma obje Ugovorne strane u pisanoj formi, ili pod uslovima iz Člana 5, ili Člana 7, ili Člana 9.

### **Član 3. Način obračuna**

- 1) Količina električne energije koja je osnov za fakturisanje predstavlja ukupnu mjesečnu količinu električne energije preuzetu od strane Kupca, koju na osnovu očitanih mjernih uređaja utvrđuje NOS BiH, umanjenu za količinu električne energije koju Kupac putem vlastite distributivne mreže isporučuje Javnom preduzeću Elektroprivreda BiH d.d. – Sarajevo i MH Elektroprivreda RS a.d. Trebinje.
- 2) Na osnovu tako utvrđenih količina preuzete električne energije, Prodavac će obračunati i fakturisati Kupcu sve pri tome nastale troškove saglasno Članu 4 ovog Ugovora.

### **Član 4. Ugovorna cijena**

- 1) Ugovorna jedinična cijena za isporučenu i preuzetu električnu energiju (bez PDV-a), na Mjestu isporuke, ima sljedeću strukturu:

cijena električne energije	17,6020 F/kWh
troškovi za prijenosnu mrežarinu po energiji	0,5780 F/kWh
troškovi za prijenosnu mrežarinu po snazi	0,2744 F/kWh
ukupni troškovi pomoćnih/sistemskih usluga	0,4789 F/kWh
troškovi rada NOS BiH	0,1092 F/kWh
troškovi za balansiranje	0,0000 F/kWh
<b>ukupna jedinična cijena (bez PDV-a)</b>	<b>19,0425 F/kWh</b>

- 2) U predstavljenoj strukturi ukupne jedinične cijene prema tački 1) ovog Člana, troškovi za prijenosnu mrežarinu (po energiji i po snazi), ukupni troškovi pomoćnih/sistemskih usluga i troškovi rada NOS BiH, predstavljaju važeće troškove prema odlukama DERK-a.
- 3) Ukoliko neposredno prije ili tokom realizacije ovog Ugovora od strane DERK-a dođe do promjene bilo kojih troškova iz tačke 1) ovog Člana, Strane se obavezuju da će to regulisati posebnim Aneksom na ovaj Ugovor.
- 4) Prodavac preuzima obavezu balansno odgovorne strane za Kupca i snosi sve troškove nastale po ovom osnovu.
- 5) Svi iznosi u Članu 4 ovog Ugovora iskazani su bez PDV-a, odnosno bez bilo kakvih poreza i taksi.

### **Član 5. Uslovi plaćanja**

- 1) Prodavac šalje Kupcu fakturu putem faksa/email-a i putem pošte najkasnije do petog u mjesecu za prethodni mjesec u kojem je bila isporuka električne energije, a na kojoj će biti naznačena isporučena ukupna količina električne energije iz Člana 3 i ukupna jedinična cijena iz Člana 4.



- 2) Kupac će izvršiti plaćanje iznosa koji je naveden na mjesečnoj fakturi u roku od 20 (dvadeset) dana od završetka mjesečne isporuke, na bankovni račun koji je naveo Prodavac na fakturi. Takva isplata biće u konvertibilnim markama (KM) bez odbitaka i zadržavanja, tako da će Prodavac primiti ukupan iznos koji je fakturisan.
- 3) Za zakašnjela plaćanja biće obračunata zatezna kamata u skladu sa Zakonom o visini stope zatezne kamate na neizmirena dugovanja u Federaciji BiH, računajući od dana dospjeća do dana isplate.
- 4) Porezi i takse biće plaćeni u skladu sa važećim zakonima.
- 5) Ako Kupac u roku navedenom u tački 2) ovog Člana ne plati dospjelu mjesečnu fakturu po ovom Ugovoru, Prodavac će poslati opomenu, a zatim 5 (pet) radnih dana nakon slanja opomene obustaviti isporuku električne energije.
- 6) U svrhu osiguranja naplate potraživanja po ovom Ugovoru, Kupac je dužan u roku od 30 (trideset) dana od dana potpisa ovoga Ugovora, osigurati dvije (2) vlastite bjanko mjenice, trasirane i akceptirane od strane Kupca, s klauzulom „bez protesta“ i pripadajućim mjeničnim ovlaštenjem za popunjavanje, u iznosu od 15.000.000,00 (petnaestmiliona konvertibilnih maraka), a što je maksimalni iznos do kojeg se mogu popuniti/akceptirati mjenice i isti će biti naveden na mjeničnom ovlaštenju. Kupac se obavezuje da će za svaku iskorištenu mjenicu za naplatu dospjelih potraživanja izdati Prodavcu novu vlastitu mjenicu, trasiranu i akceptiranu s njegove strane, s klauzulom „bez protesta“ i pripadajućim mjeničnim ovlaštenjem za popunjavanje.

#### **Član 6. Porezi i takse**

- 1) Prodavac će platiti sve poreze u vezi sa Ugovornom količinom električne energije koji nastaju prije transfera rizika i vlasništva na Mjestu isporuke. Kupac će platiti sve poreze u vezi sa Ugovornom količinom električne energije koji nastaju nakon transfera rizika i vlasništva na Mjestu isporuke. Strane će platiti sve poreze ovisno od tačke transfera rizika i vlasništva na Mjestu isporuke u skladu sa važećim zakonima.

#### **Član 7. Neizvršenje obaveza zbog Više sile**

- 1) "Viša sila" znači nastupanje događaja koji je izvan realne kontrole Strane koja se poziva na Višu silu, koji ona osnovano nije mogla izbjeći ili prevazići i koji čini nemogućim za Stranu koja se poziva na Višu silu da izvrši svoje obaveze isporuke ili prijema, uključujući, ali ne ograničavajući se na nastupanje jednog ili više sljedećih događaja:
  - a) obustava isporuke ili prijema od strane NOS BiH, ili njegovo neuvažavanje obaveze Strane u pogledu rasporeda isporuke po ovom Ugovoru;
  - b) ispadi u prijenosnoj mreži koji ograničavaju djelimično ili u potpunosti isporuku ili preuzimanje ugovorenih količina električne energije;
  - c) druge nepredviđene okolnosti ili događaji: rat, štrajk, prirodne nepogode, velike havarije u proizvodnim objektima Prodavca koje su izvan razumne kontrole Prodavca i koje su u saglasnosti sa opštom definicijom Više sile;
  - d) odluke Vlade Federacije BiH koje mogu da ograniče ili obustave isporuku električne energije.
- 2) Ako je jedna Strana u potpunosti, ili djelimično, zbog Više sile spriječena da izvršava svoje obaveze isporuke ili prijema po ovom Ugovoru, a u svemu postupa u skladu sa zahtjevima iz tačke 3) ovog Člana, smatrati će se da nije došlo do kršenja obaveza ili neizvršenja iz ovog Ugovora od te Strane i ona će biti oslobođena (a ne samo suspendirana) od tih obaveza za vremenski period i u obimu dokle takva Viša sila sprječava njeno izvršenje. Ta Strana neće imati nikakvu obavezu za plaćanje štete shodno Članu 8 ovog Ugovora u pogledu onih količina koje nisu isporučene ili primljene.

- 3) Strana koja se poziva na Višu silu će, nakon što sazna za Višu silu, što je prije moguće obavijestiti drugu Stranu o nastanku Više sile i, do mjere koliko je moguće, obezbijediti drugoj Strani neobavezujuću procjenu obima i očekivanog trajanja njene spriječenosti da izvršava Ugovorne obaveze. Ta Strana će poduzeti sve komercijalno opravdane napore da ublaži efekte Više sile i, tokom trajanja Više sile, ona će drugoj Strani obezbijediti ažurne informacije, ukoliko je to moguće, o obimu i očekivanom trajanju njene spriječenosti da izvršava Ugovorne obaveze.
- 4) U slučaju i u obimu u kojem je Prodavac oslobođen obaveza isporuke zbog Više sile, Kupac će, takođe, biti oslobođen odgovarajućih obaveza prijema i plaćanja. U slučaju i u obimu do kojeg je Kupac oslobođen obaveza prijema zbog Više sile, Prodavac će, takođe, biti oslobođen odgovarajućih obaveza isporuke.

#### **Član 8.**

##### **Nadoknade za neizvršenje isporuke i prijema**

- 1) Odgovornost za učinjenu štetu nastalu neizvršenjem obaveza isporuke, odnosno prijema električne energije, način rješavanja i visinu naknade štete, Ugovorne strane će utvrđivati u skladu sa odredbama važeće zakonske regulative.
- 2) Visina naknade štete biće utvrđena sporazumno na osnovu tržišnog pristupa, ili na osnovu vještačenja od strane nezavisnog vještaka prihvatljivog za obje Ugovorne strane.
- 3) Ukoliko Ugovorne strane ne postignu konsenzus o odgovornosti za učinjenu štetu i visini naknade štete, svaka Ugovorna strana ima pravo da pokrene sudski spor.

#### **Član 9.**

##### **Obustava isporuke**

- 1) Ukoliko Kupac ne izvršava dospjele obaveze u skladu sa ovim Ugovorom, Prodavac će biti ovlašten da 5 (pet) radnih dana nakon slanja pisane obavijesti Kupcu, odmah obustavi daljnju isporuku električne energije i biće oslobođen od svojih preostalih obaveza isporuke po ovom Ugovoru sve dok ne primi punu uplatu (uključujući sve ugovorene kamate i troškove) svih neizmirenih iznosa od strane Kupca.

#### **Član 10.**

##### **Raskid Ugovora i naknada štete zbog raskida Ugovora**

- 1) Sve dok nije završena realizacija Ugovora, ovaj Ugovor ne može biti prekinut zbog bilo kojih osim opravdanih razloga, ili uzajamnim pristankom Ugovornih strana. Ovi opravdani razlozi uključuju sljedeće:
  - a) dospjeli iznos nije plaćen unutar 5 (pet) radnih dana od dana prijema pisane obavijesti o raskidu Ugovora;
  - b) propust Strane da ispuní obaveze prijema električne energije po ovom Ugovoru, osim ako je takve obaveze oslobođena po Članu 7 duže od 7 (sedam) uzastopnih dana, ili duže od 7 (sedam) dana ukupno u periodu od 60 (šezdeset) dana;
  - c) Viša sila koja traje duže od 30 (trideset) uzastopnih dana.
- 2) U slučaju raskida ovog Ugovora iz razloga navedenog u tački 1), a) i tački 1), b) ovog Člana, Prodavac će Kupcu obračunati naknadu štete za prijevremeni raskid ovog Ugovora u iznosu koji je jednak 10% od iznosa preostale vrijednosti električne energije iz ovog Ugovora, te će Prodavac dostaviti Kupcu odgovarajući dokument u roku od 7 (sedam) dana od datuma raskida ovog Ugovora.
- 3) Kupac će platiti naknadu štete Prodavcu u roku od 10 (deset) dana od dana dostavljanja dokumenta iz tačke 2) ovog Člana. Ukoliko Kupac ne izvrši plaćanje štete iz tačke 2) ovog Člana u ostavljenom roku, Prodavac može naknadu štete iz ovoga Člana naplatiti sudskim putem.



**Član 11.**  
**Rješavanje sporova**

- 1) U slučaju bilo kojeg spora u vezi sa realizacijom ovog Ugovora, Strane će uz maksimalan trud i sa dobrom vjerom pokrenuti pregovore s ciljem da pokušaju naći rješenja koja najbolje odgovaraju datoj situaciji.
- 2) U slučaju da Strane ne postignu dogovor u pogledu nastalog spora, iste mogu pokrenuti sudski postupak pred stvarno nadležnim sudom u Sarajevu.

**Član 12.**  
**Obavještanja**

- 1) Dispečerski centri, ili neki drugi organi, definisani od Strana, biće odgovorni za operativna i tehnička pitanja koja se tiču isporuke i prijema električne energije prema ovom Ugovoru.
- 2) Obavještenja i drugi dokumenti koje Strane šalju jedna drugoj u vezi ovog Ugovora biće poslana na fax/email specificiran ispod. Svaka strana može promijeniti brojeve faxes/email-a dajući pismeno obavještenje drugoj Strani.

Za Prodavca:

Smajo Bišanović  
Rukovodilac Sektora za upravljanje i trgovinu  
JP Elektroprivreda BiH d.d. – Sarajevo  
Vilsonovo šetalište 15  
71000 Sarajevo, Bosna i Hercegovina  
Tel: +387 33 751 300 / 751 398(9)  
Fax: +387 33 751 302  
email: [s.bisanovic@elektroprivreda.ba](mailto:s.bisanovic@elektroprivreda.ba)  
email: [epbih.trade@epbih.ba](mailto:epbih.trade@epbih.ba)

Za Kupca:

Mirsad Čandić  
Šef RJ Elektrodistribucija  
JP Komunalno Brčko d.o.o. Brčko distrikt BiH  
Tina Ujevića 66  
76120 Brčko, Brčko distrikt BiH  
Tel.: +387 49 490 856  
Fax: +387 49 216 118 – Ured Direktora  
email: [mirsad.candic@komunalno.ba](mailto:mirsad.candic@komunalno.ba)

Podaci za DCU:

Distributivni centar upravljanja (DCU)  
Veno Žepić  
Glavni dispečer za elektroenergetska postrojenja  
Tel: +387 49 490 866  
GSM: +387 65 695 754  
e-mail: [dcu@komunalno.ba](mailto:dcu@komunalno.ba)  
Fax: +387 49 216 118 – Ured Direktora

**Član 13.**  
**Prijenos**

- 1) Niti jedna Strana neće biti ovlaštena da prenese svoja prava i obaveze po ovom Ugovoru – djelimično ili u cijelosti – trećoj strani, bez pismene saglasnosti druge Strane. Ta saglasnost neće biti neosnovano odgođena, odbijena ili zadržana.

**Član 14.**  
**Razno**

- 1) Sva obavještenja, izjave ili računi poslani od jedne Strane drugoj Strani biće u pisanoj formi i isporučeni poštom i faxom/emailom. Svaka Strana može promijeniti svoje informacije o obavijesti dajući pisano obavještenje drugoj Strani.

**Član 15.**  
**Efektivnost**

- 1) Ovaj Ugovor stupa na snagu obostranim potpisivanjem ovlaštenih osoba Ugovornih strana.

**Član 16.**  
**Povjerljivost**

- 1) Ako nije drugačije utvrđeno, Ugovorne strane će sve informacije koje se tiču ovog Ugovora i njegove implementacije, koje nisu javno objavljene, smatrati povjerljivim prema trećoj strani.
- 2) Ni jedna Strana neće otkriti bilo koji dio Ugovora trećoj strani bez prethodne pismene saglasnosti druge Strane, osim ako je treća strana ovlaštena zakonom.

**Član 17.**  
**Broj primjeraka Ugovora**

Ovaj Ugovor je sačinjen i potpisan u 4 (četiri) istovjetna primjerka na bosanskom jeziku, pri čemu svaka Strana zadržava po 2 (dva) primjerka Ugovora.

za JP Elektroprivreda BiH

  
\_\_\_\_\_  
dr. sc. Sanel Buljubašić      dr. sc. Nevađ Ikanović  
Generalni direktor      Izvršni direktor  
za snabdijevanje i trgovinu

za JP Komunalno Brčko

  
\_\_\_\_\_  
Armin Drapić  
Direktor

Broj: 01-04-41096-1/2025  
Datum: 19.11.2025. godine

Broj: 02.07/3-02540/25  
Datum: 19.11.2025. godine